

rum Concilii Tridentini Sessione VI. Cap. 8. interpretationem putant, sic se habentem: Cum Paulus dicit, justificari hominem per fidem & gratis, ea verba in eo sensu sunt intelligenda, quem perpetuus Ecclesie Catholicae consensus tenuit & expressit, ut scilicet per fidem ideo justificari dicamur, quia fides est humana salutis initium, fundamentum & radix omnis justificationis, sine qua impossibile est placere Deo, & ad filiorum ejus consortium pervenire; Gratis autem justificari ideo dicamur, quia nihil eorum, quae justificationem precedunt sive fides, sive opera ipsam justificationis gratiam promeretur, &c. Hinc alii Adversariorum triplicem excogitarunt causam, cur Paulus dicat, hominem absque operibus fide tantum justificari. (1.) quia fides salutis humanae initium sit. (2.) quia fides fundamentum sit omnis nostrae justificationis, utpote quae tota ei innitatur, & ab ea continuo sustentetur, teste Paulo *Ebr. X. & XI.* (3.) quia fides impetret justificationem, quemadmodum dictum sit foeminae peccatrici, *fides tua salvam te fecit Luc. VII.* Quod & Augustinus probet Libro de Spiritu & Lit. c. 29. & 30. dicens: fides impetrat, quod lex imperat.

§. V. Plures occasione Sessionis VI. Cap. 10. Concil. Trid. effugium quaesiverunt in voce *justificatio*, quam distinxere in primam & secundam. Primam vocant, qua ex non justo fit justus: Quemadmodum ex aqua frigida fit calida. Secundam, qua ex homine justo fit justior, sicut ex aqua calida fit calidior. Quam distinctionem approbat atque applicat Cardin. Bellarminus de justif. l. 2 c. 6. l. 4. c. 18. dicens: Nos igitur dicimus Paulum loqui de prima justificatione, qua homo ex impio fit justus, Jacobum de secunda, qua justus efficitur justior. Sicque ex Paulo dissentiente antea, Paulum nunc consentientem factum sperant, cum ad vere contradicentem requiratur, ut terminis eodem utatur respectu, quo is cui contradicere adnuitur; Jam vero Jacobus de secunda, Pau